

Broj: 01/II-04-4-3160-2/22
Sarajevo, 06.09.2022. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE ✓
ZASTUPNIČKI/ PREDSTAVNIČKI DOM
Tajnik/Sekretar Ivan Miličević

VLADA FEDERACIJE BIH
Tajnik/Sekretar Edita Kalajdžić

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilježeno: 09-09-2022			
Org. Jed.	Broj	Priloga	Vrijednost
05/1	- 02 -	266	/22

Predmet: Odgovor na zastupničko pitanje zastupnice Alme Kratine

Poštovani,

Zavodu zdravstvenog osiguranja i reosiguranja Federacije Bosne i Hercegovine dostavili ste poslaničko pitanje Alme Kratine, a vezano za potpisivanje ugovora s KBC Split, za liječenje složenih kardioloških procedura kao i određenih liječenja iz oblasti opekotina.

U vezi sa navedenim dostavljamo Vam slijedeći odgovor.

S poštovanjem,

Dostaviti:
-Naslovu
-a/a



DIREKTORICA

Izv.prof.dr.sc. Vlatka Martinović, dr.med.





Broj: 01/II-04- /22
Sarajevo, 06.09.2022. godine

**ODGOVOR NA ZASTUPNIČKO PITANJE ALME KRATINE ZASTUPNICE ZASTUPNIČKOG
DOMA PARLAMENTA FEDERACIJE BOSNE I HERCEGOVINE**

Sarajevo, septembar 2022. godine

I

Zastupnički dom Parlamenta Federacije Bosne i Hercegovine dostavio je zastupničko pitanje zastupnice Alme Kratine Zavodu zdravstvenog osiguranja i reosiguranja Federacije Bosne i Hercegovine vezano za potpisivanje ugovora s KBC Split, za liječenje složenih kardioloških procedura kao i određenih liječenja iz oblasti opekotina.

II

Na dostavljeno pitanje Zavod zdravstvenog osiguranja i reosiguranja Federacije Bosne i Hercegovine u okviru svojih nadležnosti daje slijedeći

ODGOVOR

U vezi zastupničkog pitanja, koje je u Zastupničkom domu Parlamenta Federacije BiH, postavila zastupnica Alma Kratina, kojim traži odgovor od ovog Zavoda vezano za zaključivanje Ugovora sa KBC Split, za liječenje složenih kardioloških procedura kao i određenih liječenja iz oblasti opekotina, i to kako slijedi:

- Da li kod nas u Bosni i Hercegovini postoje mogućnosti za te vrste liječenja i ako da za koje procedure?
- Ako postoje, zašto to ne radimo u FBiH nego u inostranstvu?
- Koliko košta to liječenje, i kolika je cijena u odnosu na domaće ustanove koje to mogu i ako to mogu?
- Uz čiju suglasnost su potpisani ugovori?

obaviještavamo Vas slijedeće:

Pravilnikom o uvjetima i postupku upućivanja osiguranih lica na liječenje u inostranstvo ("Službene novine Federacije BiH broj 93/13 i 102/15,16/19, 22/19), propisana su oboljenja, stanja i povrede koje se ne mogu liječiti u Federaciji Bosne i Hercegovine, radi kojih se osigurana lica, nakon provedenog postupka, mogu uputiti na liječenje u inostranstvo na teret sredstava Federalnog fonda solidarnosti. Radi se o slijedećim oboljenjima:

- 1) urođene srčane mane kod djece koje se mogu liječiti operativnim putem;
- 2) oboljenja iz oblasti dječije onkologije;
- 3) neurohirurška oboljenja djece i odraslih koja se mogu uspješno liječiti neurohirurškom operacijom gama, sajber i tribun nožem;
- 4) embolizacija, stentiranje i koilovanje krvnih sudova;
- 5) tumori oka kod djece i odraslih;
- 6) ekstenzivne opekotine preko 60% površine;

- 7) oboljenje jetre, bubrega, pankreasa, srca, rožnice kod djece i odraslih koja se mogu uspješno liječiti transplantacijom;
- 8) oboljenja kod odraslih koja zahtijeva transplantaciju koštane srži;
- 9) elektrofiziološka ispitivanja kompleksnih aritmija sa eventualnom radiofrekventnom ablacijom; izuzetno ako ne mogu u Centru za srce Tuzla ili Vitalis Mostar.
- 10) oboljenja kod djece izuzetno rijetkih patologija, odnosno oboljenja sa niskom incidencom (jedan na milion stanovnika), ukoliko se radi o jedinom oboljenju, odnosno ukoliko bi liječenje u inostranstvu dovelo do potpunog izlječenja,
- 11) osteosarcom kod djece koji se može liječiti operativnim putem,
- 12) Ugradnja uređaja za dugotrajnu mehaničku cirkulatornu potporu.

Također, propisano je da se postupak za upućivanje na liječenje u inostranstvo pokreće prijedlogom konzilija ljekara kliničke zdravstvene ustanove u Federaciji BiH, koja se bavi liječenjem oboljenja iz Pravilnika, u kojem se konstatuje da su iscrpljene sve dalje mogućnosti za uspješno liječenje odnosnog pacijenta oboljelog od određenog oboljenja iz Pravilnika, te predlaže u koju ino ustanovu bi bilo poželjno pacijenta poslati na liječenje.

Pravilnikom je propisano da se pacijenti mogu uputiti samo u ugovorene ino zdravstvene ustanove, te da je Zavod obavezan da zaključuje ugovore sa ino ustanovama o poslovnoj saradnji za liječenje oboljenja iz Pravilnika, na osnovu predhodne saglasnosti federalnog ministra zdravstva, na osnovu koje Upravni odbor Zavoda donosi odluku o ino ustanovama sa kojim će se zaključiti ugovor.

Po naprijed opisanoj proceduri ovaj Zavod je i proveo aktivnosti i zaključio ugovor sa KBC Splitom za liječenje elektrofizioloških ispitivanja kompleksnih aritmija sa eventualnom radiofrekventnom ablacijom, embolizacija, stentiranje i koilovanje krvnih sudova; ekstenzivne opekotine preko 60% površine.

Što se tiče liječenja elektrofizioloških ispitivanja kompleksnih aritmija sa eventualnom radiofrekventnom ablacijom od 2019. godine ova metoda se uspješno provodi u Centru za srce Tuzla i Vitalis Mostar, tako da se u inostranstvo na liječenje upućuju samo sporadični složeniji slučajevi koji se u navedenim ustanovama u Federaciji ne mogu liječiti, a kako smo naveli po preporuci konzilija ljekara kliničkih centara u FBiH. Radi jasnije slike od 2019. do danas upućena su dva pacijenta u Prag, a ubuduće ako bude indikacija umjesto u Prag ti će se pacijentu upućivati u Split, što je bliže i konfornije za pacijenta, dostupnost veća, a i cjenovno mnogo pristupačnije.

Potpuno ista situacija je i sa embolizacija, stentiranje i koilovanje krvnih sudova koje se uspješno obavljaju u UKC Tuzla, a kompleksnije slučajeve u proteklim godinama, smo upućivali u AKH Beč, i u Acibadem Istanbul.

Što se tiče opekotina sa 60% površine, nažalost ta procedura se u našim kliničkim ustanovama još uvijek ne provodi i pacijente djecu smo upućivali na liječenje u Švicarsku.

Imajući u vidu naprijed navedeno, može se zaključiti da će se pacijenti oboljeli od navedenih oboljenja, upućivati na liječenje u KBC Split samo, ukoliko konzilij ljekara kliničkih zdravstvenih ustanova, prije svega Centar za srce Tuzla i Vitalis Mostar, se izjasne da određenog pacijenta ne mogu sa uspjehom liječiti te predlože upućivanje na liječenje u inostranstvo.

Što se tiče cijena zdravstvenih usluga koje smo dogovorili sa KBC Split, sa ponosom možemo istaći da smo uspjeli dogovoriti da se naši pacijenti liječe po istim cijenama kao što se liječe i hrvatski osiguranici, odnosno po cijenama Hrvatskog zavoda zdravstvenog osiguranja.

Zavod sve aktivnosti koje provodi provodi samo u službi zdravlja i na dobrobit pacijenata, vodeći računa i o finansijskom aspektu, kako bi za istu količinu novca obezbjedili što većem broju pacijenata adekvatnu zdravstvenu zaštitu.

S poštovanjem,

DIREKTOR

Izv.prof.dr.sc. Mlatka Martinović, dr. med.



Dostavljeno: - naslovu,
- a/a.